


TEZAUUR LITURGIC
4 IANUARIE

SLUJBA
SOBORULUI
SF.70 APOSTOLI



KIEV, 1899



Мѣсяца Іаннуарія въ 4-й день Служба въ день Собора святыхъ седмидесяти апостоловъ

НА МАЛЪЙ ВЕЧЕРНИ

На Господи возвахъ: стихирѣ [на 4], гласъ 2:

Свѣтлый ликъ седмидесяти апостолъ Христовыхъ согласно въ пѣснехъ похвалимъ, обокшеса бо въ крестное всеоружіе, идольскую лѣсть упраздниша и побѣдителие міра явишася, ихже молитвами, Бже, помилуй насъ.

Апостоли святіи, дѣятели Спасовы, крестъ бо, яко рало, на рамахъ носяще, оледенѣвшую зѣмлю отъ идольскія лѣсти очистивше, и вѣры слово всѣясте, воистинну достойно нарицаетеся святіи Христовы апостоли.

Всю напоиша зѣмлю струями Бжія слова, апостоли святіи, и возрастѣ класъ вѣры, и концы вселенныя наполни, плевелы бо вся поскоша. Тѣмже всѣхъ Христу Богу приведоша, крещающе тѣхъ въ Троицу Несозданную.

Спаса Господа молитѣ, спасателие суще человекѣвъ, всеблаженніи апостоли, да насъ спасетъ отъ искушеній злыхъ, яко Человѣколюбецъ.

Слава:

Святѣй и Честнѣй Троицѣ, вѣрніи, поклоняющеса, возопиймъ: апостолъ мольбами спаси всѣхъ насъ.

И нынѣ:

Явися славы Отчее Сіяніе во струяхъ Иорданскихъ, крещеніемъ очищая скверну душъ нашихъ.

На стиховнѣ стихіры, [гласъ 4]:

Апостоловъ ликъ согласно похвалимъ, яко проповѣдаша всѣмъ Господне ученіе, и, прогнавше еретическую мгу, просвѣщеніе [принесоша], духовно возсіявшеся въ міръ благодати ученіемъ, и молятся спастися намъ.

Стихъ: Во всю зѣмлю изыде вѣщаніе ихъ и въ концы вселенныя глаголы ихъ.

Уловивше ловцы языки мрежею Духа и научиша концы земныя кланяться Тебѣ со Отцемъ и Духомъ, Христѣ Божѣ, тѣхъ ради утверди Церковь Твою и вѣрнымъ ниспосли благословеніе, Иже Едине Милостиве и Человѣколюбче.

Стихъ: Небеса повѣдаютъ славу Божію, твореніе же руку Его возвѣщаетъ твердь.

Мірскія концы прошедше, апостоли, отъ тмы прелести и злочестія человѣки избавили есте, премудри.

Слава, **и нынѣ:**

На Иорданскую рѣку Христось Богъ нашъ приходитъ ко крещенію, очистити хотя ны отъ беззаконій нашихъ Своимъ явленіемъ, яко Единъ Благъ и Человѣколюбець.

Тропарь, гласъ 3:

Апостоли святїи, молїте мїлостиваго Бѣга, да прегрѣшенїи оставленїе подасть душамъ нашимъ.

Слава, и нынѣ, **предпразднства:**

Готовися, Завулоне, и красуйся, Нефѣалїме, Иордане рѣко, стани, подыми, възгряя, креститися грядуща Владыку. Веселися, Адаме съ праматерїю, не крїята себе, якоже въ рай прѣжде, ибо, наги видѣвъ вы, явися, да облечетъ въ первую одежду: Христось явися, всю тварь хотя обновити.

НА МАЛОМЪ ПОВЕЧЕРИИ

Канонъ, егѣже краегранесїе: Великаго четвѣртка долгую пѣснь пою. Гласъ 6. Ирмосы по дважды, тропари на 6.

Пѣснь 1.

Ирмосъ: Свѣченое свѣчется море Чермное, волнопитаемая же изсушается глубина, тажде купно безоружнымъ бывши проходима и всеоружнымъ грѣбъ. Пѣснь же богокрасная воспѣвашеся: славно прославися Христось, Богъ нашъ.

Всевиновная и подательная жизни, безмѣрная мудрость Божїя созда храмъ себѣ изъ Чистыя Неискусомужныя Матере, ко Иорданскимъ же нынѣ струямъ грядетъ, обогащая Божествомъ земныхъ на обновленїе.

Тайновѣдствующи, вся созываетъ, сущїя отъ языка, Божїя Мудрость къ свѣту, во тмѣ прѣжде невѣднїя

несвѣтлой лежачія, въ познаніе Истины возводящи, къ Свѣту крещеніемъ, сердца очищающимъ и созидающимъ Духомъ.

Да послушаемъ нынѣ пророческихъ, совершаемыхъ Духомъ гласовъ: крещая бо въ Дусъ и огни, идетъ Христось ко Иордану. Приидите къ Нему и просвѣтитесь, ваша бо лица не постыдятся.

Пѣснь 3.

Ирмосъ: *Господь Сый всѣхъ и Зиждитель Богъ, созданное Безстрастный, обнищавъ, Себѣ соединилъ еси и струями, и миже хотѣлъ еси приити, Самъ Сый людемъ провозглашалъ еси: воду жизни почерпите и вѣрою утвердитесь.*

Ръшительную дѣшъ и тѣлесъ купно крещенія благодать, Спасе, грядеши даровати, сего ради подаваеши нынѣ намъ и благодать вмѣсто благодати, зовый: воду жизни почерпите и вѣрою утвердитесь.

Безуменъ мужъ, невѣдый Бога, растлѣвается, ибо безмѣстными начинаньями лишается отъ всякаго блага и всякаго отпадаетъ спасенія, егѣже части вси, Христа вѣдящи, да избавимся.

Пѣснь 4.

Ирмосъ: *Провидя пророкъ тайны Твоея неизреченное, Христѣ, провозгласи: положилъ еси крѣпкую крещенія благодать, вѣрою сие приѣмлющимъ всѣмъ во избавленіе грѣховъ нашихъ.*

На крещеніе тѣся, смертнымъ источающее оставленіе, обремененныя вся прегрѣшеньями зовѣши,

злѣ въ нечистотѣ пожившія, душевнѣй покой тѣмъ, яко Щедръ, подати общаваѣя.

Причащайся плоти моеѣ, да Твоего Божества подаши ми: образъ бо неизмѣненъ сѣй Твоего Отца, вмѣщаешися подъ руки Твоего, Спасе, созданія, кромѣ грѣха Человѣкъ явлься, подобнымъ очищаѣя, Слове, подобное.

Питіе, и помазаніе, и Духъ Твоея печати, Спасе, познанія, и тайная дарованія, и даровъ Божественныхъ досторачительная дѣла, ибо Единороднаго Тя очищеніе Отець въ міръ посла.

Пѣснь 5.

Ирмосъ: Союзомъ боязни содержимъ нынѣ, Предтеча отрицается крестити, благоговѣно Христа видѣвъ, нага стояща на водѣ, водою покрывающаго превыспренняя.

Неодержимую держащая и превыспреннюю на воздусѣ воду, бездны обуздавающая и моря востязующая, Божія Мудрость грядетъ ко Иордану, крещеніе приемля отъ руки раба.

Вообразивъ человѣческое естество, крещеніемъ нынѣ грядетъ очистити Христось, облаки небо облагая и одѣваяйся свѣтомъ нагъ зрится во Иорданскихъ струяхъ, и рукою держится вся носяй.

Пѣснь 6.

Ирмосъ: Бездна послѣдняя грѣховъ обыде мя, и, волненія не ктому терпя, яко Іона Владыцѣ, вопію Ти: отъ тли мя возведи.

Господа Тя вѣдяще, небеса повѣдаютъ земли Твою, Спасе, славу въ Твоемъ рождествѣ, нынѣ же Отецъ Тя проповѣдуетъ, Сына возлюбленна, крещаемого.

Скверну всякъ носяй да омыетъ ю слезными каплями и Христу съ трепетомъ да приступить, огнемъ и Духомъ Божественнымъ очистити идущему естество наше.

Пѣснь 7.

Ирмосъ: *Отроцы въ Вавилонѣ пещнаго пламене не убояшася, но, посреде пламене ввержени, орошаеми, пояху: благословенъ еси, Господи, Боже отецъ нашихъ.*

Помавая главою ко враждѣ, никтоже лѣстно да движеть, искреннему зло воздати злѣ вмѣсто зла поучаяся, но въ любви Господа являшагося да почествимъ.

Вы, Христовы яко друзи, мало спостраждите вообразшемуся, и грядущему крещеніе пріяти, и явльшемуся по намъ образа на очищеніе и прегрѣшеній на избавленіе.

Со Мною аще кто снідетъ и спогребѣтся крещеніемъ, со Мною славы насладится и воскресенія, — Христосъ нынѣ возвѣщаетъ, Егоже вѣрно да усрящимъ.

Пѣснь 8.

Ирмосъ: *За законы отеческія блаженни въ Вавилонѣ юноши предбѣдствующе, царюющаго оплеваша повелѣніе безумное и, совокуплени, имже не сварішася огнемъ, Державствующему достойную*

воспѣваху пѣснь: Господа пойте, дѣла, и превозносите во вся вѣки.

Гостителіе, Божія пищи въ Виѡлеѣмѣ мудрѣ напитавшеся, со ангелы же прославльше, и пастьырьми, и волхвыи Воплощшагося, нынѣ же ко Иордану таинственно идемъ, видяще таинство веліе, еже Христось Самъ совершаеть, Егоже превозносимъ во вся вѣки.

Закона соблюдающе главизну и пророкъ, любовію утверждшеся, подобницы Христа будемъ, за любовь крайнюю плоть приимшаго, и крещеніемъ насъ Отцу примирившаго, и научившаго пѣти: Господа пойте, дѣла, и превозносите во вся вѣки.

Приимаше Грядущаго грѣхи міра очисти́ти водою, но Сему возбраняше, сопрятуемъ страхомъ: азъ бо трѣбую креститися отъ Тебѣ, — Жениху противоречѣ другъ, гласъ же Сло́ву и Со́лнцу свѣтильникъ. Тя превозносимъ во вся вѣки.

Пѣснь 9.

Ирмосъ: *Странствія Владычнѣя и безсмертныя трапѣзы во убозѣмъ вертепѣ прѣжде насладившеся, нынѣ на Иорданѣ тецемъ, тайну зряще странну, горнія свѣтлости ходатайственну.*

Идите отъ Виѡлеѣма, питомицы чудесъ, къ странѣ Иорданстѣй и тамо видите дѣла, таинственно совершаема крещеніемъ же Христа, пришедша Адама обновити, ибо воплотися.

Содѣтель, рождся изъ Отца прѣжде вѣковъ, родися, на послѣдокъ непреложно воплощся изъ Дѣвы

Чистыя Богоотроковицы, сугубъ, Богъ и Человѣкъ пребываѣя, Адама обновити крещеніемъ.

Яко Человѣкъ пришель еси существомъ, не мечтаніемъ, яко Единъ посреди всѣхъ, просяи крещенія, Единъ, естествомъ неповинный, погребсти бо вины пришель еси человѣческія, въ водахъ крещаемъ.

Таже ирмосъ: Странствія Владычнѣя... [Обычныя молитвы] и отпусть.

НА ВЕЛИЦЬЕЙ ВЕЧЕРНИ

Стихологисуемъ: Блаженъ мужъ.., 1-й антифонъ. На Господи, возвахъ: стихиры на 8, гласъ 4. Подобенъ: Даль еси знаменіе.

Приидите, вѣрнии, Соборъ седмидесяти Христовыхъ апостоловъ Божественно восхвалимъ: Іакова, брата Господня, Варнаву, Марка и Луку, Ананію, Клеопу, Силу и Силуана и Епенета чуднаго, съ нимиже Крискента, Флегонта и Асинкрита, Филолога и Стефана прославимъ. [Дважды.]

Господнихъ учениковъ ликъ чудный въ пѣсняхъ возвеличимъ: Іуста, Акилу, Стахія, Филимона, Онисима и Архиппа, Іуду славнаго, перваго въ мученицехъ Стефана и съ нимъ диаконовъ Филиппа, Прохора, Никанора, Тимона и Пармена, пророка Агава и Андроника, сродника Павлова. [Дважды.]

Божественными пѣснями ублажимъ славныхъ апостоловъ Спаса Христа Бога нашего: Тимофея, Тита и Климента, Иродіона, Сосвѣна и Ерма, Іасона,

Наркісса, Аристарха, Пуда, Трофима, съ нимиже да почтутся Гаий страннопріимецъ, Патровъ и Марко, анепсий Варнавинъ.

Священными псалмы и пѣснями почтимъ божественныхъ апостоловъ: Ераста, Варсаву, Фаддея, Артема, Епафраса, Ермия, Куарта, Лина и Еводия, Луку, Урвана и Аристовула, Аполлоса всехвальнаго, Тихика и Зину законника.

Придите, православныхъ соборы, и достойно почтимъ честныя богопроповѣдники: Онисифора, Ахайка, Апеллия и Амплия, Тертия, Сосипатра, Криспа, Епафродита, Фуртуната, Олимпа, съ нимиже да прославится Наѳанаиль и божественный Діонисій съ прочими учениками Христовыми.

Апостолы согласно восхвалимъ, яко самовидцы Слова и божественныя проповѣдники и языковъ духовныя ловцы, яко явѣ приведоша насъ къ познанію Христа, избавльше отъ прелести родъ человѣческой, и Царствія сподобите.

Слава, и нынѣ, **гласъ 1:**

Ясенъ убо мимошедшій праздникъ, славнѣйшій же настоящій день: во онъ Спасу волсви поклонишася, въ сей же Владыку рабъ славенъ кресті. Тамо пастьеріе свиряюще, видѣвше и чудяхуся, здѣ же гласъ Отчій Единороднаго Сына проповѣда.

**Входъ. Прокименъ дне, и чтенія три.
Числь чтеніе.[Глава 2,стихи 16-17,24-30.]**

Рече Господь къ Моисею: собери Ми седмьдесятъ мужей отъ старецъ Израилевыхъ, ихже ты самъ вѣси, яко ти суть старцы людстии и книгочія ихъ, и да

приведеши я ко скинии свидѣнія, и да стануть тамо съ тобою. И снѣду, и возглаголю тамо съ тобою, и уйму отъ Духа, Иже въ тебѣ, и возложу на ня, да подымуть съ тобою устремленіе людей, и не будеши водити ихъ ты единь. И изыде Моисей, и глагола людемъ словеса Господня, и собра седмьдесятъ мужей отъ старецъ людскихъ, и постави я окрестъ скинии. И снѣде Господь во облацѣ и глагола къ нему, и уя отъ Духа, Иже на немъ, и возложи на седмьдесятъ мужей старецъ. Егда же препочи Духъ на нихъ, и пророчествоваша, и ктому не приложиша. И ошашася два мужа въ полцѣ, имя единому Елдадъ, и имя второму Модадъ. И препочи на нихъ Духъ. И сѣи бѣша отъ вписанныхъ, и не придоша ко скинии, и пророчествоваша въ полцѣ. И притекъ юноша, возвѣсти Моисею, и рече, глаголя: Елдадъ и Модадъ пророчествуютъ въ полцѣхъ. И отвѣщавъ Исусъ Навинъ, предстояй Моисею, избранный ему, рече: господи мой Моисею, запрети имъ. И рече ему Моисей: еда ревнуеши ты мнѣ? И кто дастъ всѣмъ людемъ Господнимъ (быти) пророки, егда дастъ Господь Духа Своего на нихъ? И иде Моисей въ полкъ самъ и старцы Израильтестіи.

Исхода чтеніе. [Глава 15, стихи 23-27.]

Поятъ Моисей сыны Израилевы отъ моря Чермнаго и веде ихъ въ пустыню Суръ. И идяху три дни въ пустыни, и не обрѣтаху воды, да быша пили. Придоша же въ Мерру, и не можаху пити воды отъ Мерры: горька бо бѣ, сего ради наречеся имя мѣсту тому Горестъ. И роптаху людие на Моисея, глаголюще: что пиемъ? Возопи же Моисей ко Господу, и показа

ему́ Госпо́дь дре́во, и вложи́ е вѣ во́ду, и сладка́ бы́сть вода́. Та́мо положи́ ему́ Бо́гъ оправда́нія и суды́. И та́мо искуша́ше его́, и рече́: а́ще слухомъ услышиши гласъ́ Госпо́да, Бо́га твоего́, и уго́дная предѣ́ Нимъ сотвори́ши, и внуши́ши заповѣ́ди Его́, и сохрани́ши вся́ оправда́нія Его́, вся́ку болѣ́знь, ю́же наведе́хъ на египтяны, не наведу́ на тя́. Азъ́ бо е́смь Госпо́дь, исцѣ́ляй тя́. И придо́ша во Ели́мъ, и бя́ху та́мо двана́десять исто́чниковъ во́ды и се́дмьдесятъ сте́бль фи́никовъ, и ополчи́шася та́мо при вода́хъ. И воздви́гшеся отъ́ Ели́ма, и при́иде ве́сь со́нмъ сыно́въ Израилевыхъ́ вѣ пу́стыню́ Синь, я́же е́сть между́ Ели́момъ и между́ Си́ною.

Премудрости Сираха чтение.
[Глава 44, стихи 1-7, 12-14.]

Восхва́лимъ му́жи сла́вны и отцы́ на́ша вѣ бы́тїи: мно́гу сла́ву созда́ Госпо́дь вѣ нихъ́ вели́чиемъ Свои́мъ отъ́ вѣ́ка. Госпо́дствующе во ца́рствїихъ́ свои́хъ, и му́жие, имени́ти си́лою, совѣ́тующе ра́зумомъ́ свои́мъ, провѣ́щавши во проро́чествахъ́, старѣ́йшины лю́дїй вѣ совѣ́тѣхъ́ и вѣ ра́зумѣ́ писа́нія лю́дїй, премудра́я словеса́́ вѣ наказанїи́ ихъ́, и́щуще гласа́́ мусикї́йска и повѣ́дающе по́вѣсти во писа́ниихъ́, му́жие бога́ти, обдарова́ни крѣ́постию, ми́рно живу́ще вѣ жилища́хъ́ свои́хъ. Все́и си́и вѣ ро́дѣхъ́ просла́влени бы́ша, и во дне́хъ́ ихъ́ похвала́. До вѣ́ка пребу́детъ сѣ́мя ихъ́, и сла́ва ихъ́ не потре́бится, тѣ́леса́ ихъ́ вѣ ми́рѣ́ погребѣ́на бы́ша, а имена́́ ихъ́ живу́тъ вѣ ро́ды. Премудро́сть ихъ́ повѣ́дятъ лю́дїе, и похвалу́́ ихъ́ исповѣ́сть Це́рковь.

На литіи стихиры, [гласъ 1]:

Приидіте вси, честныя апостоли восхвалимъ, яко кормчія: идольскую бо прелесть упраздниша, и ко свѣту жизни возведоша, и въ Троицу вѣровати научиша. Тѣмже днесь память ихъ честную совершающе, вѣрнии, славимъ Христа Бога нашего.

Апостоли славніи, столпи Церковни, Истины проповѣдницы, свѣтила суща свѣтлая, вы огнемъ духовнымъ всяку прелесть попалисте, человецескій родъ вѣрно просвѣтите. Тѣмже молимъ вы: молитесь Спаса и Бога нашего умирить мѣръ и спасти души наша.

Свѣтила вы суща мѣру, Господни апостоли, облиставаете прѣсно слово вѣрнымъ, отгоняюще зѣльнѣ прелести мгу. Тѣмже и просвѣщаете языки крещеніемъ, яко проповѣдницы Троицы суща, прѣсно почитаеміи.

Рѣки богословія изъ честныхъ устъ вашихъ истекоша, апостоли, изъ нихже и имиже Церковь Божія напаяема, покланяется православно Троицѣ Единосущнѣй, Юже и нынѣ молитесь утвердить и спасти души наша.

Слава, и нынѣ, **праздника, гласъ 8:**

Ликъ пророческій радуется, проповѣдуя крещеніе Христово, животь источающее. Зоветь Исаія: почерпите воду чистительную. Пишетъ богоотець: како отъ лица Его бѣжитъ море, благоволеніемъ спасающаго Бога родъ человецескій.

На стиховнѣ стихирѣ, гласъ 8.
Подобенъ: Мученицы Твои, Господи.

Сый Огнь нестерпимый, брѣнію и сѣну мнѣ сущу, Христѣ мой, что святую Твою преклоняеши главу, еяже ангельская трепещуть множества? — рече Іоаннъ ко Творцу, егда креститися прииде. Велико Твое есть, Благоутробне Жизнодавче, низшествіе.

Стихъ: Сего ради помянухъ Тя отъ земли Іордански и Ермоніимски.

Се Просвѣщеніе наше, Избавленіе, Спасеніе, хотя, предгрядетъ на Іорданѣ обнажитися явѣ и одѣтися, яко ризою, водами, обнаженіе одѣвая всѣхъ, обнажшихся змія совѣтомъ сопротивнымъ.

Стихъ: Видѣша Тя воды, Боже, видѣша Тя воды и убояшася.

Огнь нестерпимый воистинну, хотя, предгрядетъ ко Іордану очистити мя, сокрушеннаго преступленіемъ лукавымъ, дождь небесный приемлетъ, среди водъ омыти мя отъ скверны многихъ моихъ прегрѣшеній, яко Щедръ и Многомилостивъ.

Слава:

Сыне Божій, сыны по причастию небеснаго Отца Твоего апостолы явилъ еси и ихъ молитвами сыны свѣта всѣхъ насъ сотвори.

И нынѣ, гласъ 6:

Грядетъ ко Іордану Христосъ Истина креститися отъ Іоанна, и рече къ Немю: азъ требую отъ Тебѣ креститися. И Ты ли грядеши ко мнѣ? Не смѣю, сѣно,

прикосну́тися Огню́: Ты́ мя́ освяти́, Влады́ко, Божество́ннымъ явле́ниемъ Твои́мъ.

[На благослове́нии хлѣбовъ: Тропа́рь апо́столовъ, два́жды [пи́санъ на ма́лѣй вечерни] и Богоро́дице Дѣво.., еди́ножды.]

НА УТРЕНИ

На Бо́гъ Госпо́дь: Тропа́рь предпра́зднства, два́жды.

Сла́ва, апо́столовъ. И ны́нѣ, предпра́зднства.

По 1-й стихоло́гии сѣдале́нь, гла́сь 4.

Подобе́нь: Ско́ро предва́ри.

Се́ прихо́дитъ ко Иорда́ну Христо́съ, приглаша́етъ же Предте́чу: гряди́ и крести́ вѣрно́ весь очища́ющаго ми́ра грѣхъ рѣчны́ми струя́ми, простри́ твою́ ру́ку къ верху́ Моему́ Божество́нному, руки́ бо прегрѣше́ние придо́хъ исцѣли́ти.

Сла́ва:

Апо́стольскій ли́къ Ду́хомъ Святы́мъ просвѣти́лъ, Христе́, и на́шу скве́рну грѣхов́ную тѣми омы́й, Бо́же, и поми́луй на́съ.

И ны́нѣ, гла́сь то́йже. Подобе́нь: Вознесы́йся.

Царя́ всѣхъ и Влады́ку на креще́ние, вѣрнии, зря́ще, боголѣ́пно гряду́ща, воспой́мъ Его́, сте́зи серде́ць на́шихъ угото́вимъ любо́вию, скве́рны отмы́вающе лю́тыхъ прегрѣше́ний: се́ бо спасти́ родъ челове́ческой на Иорда́нскія струи́ прихо́дитъ.

По 2-й стихоло́гии сѣда́лень, гла́сь 8.

Подобень: Воскресе.

Вели́кій Крестите́лю Госпо́день, ра́дуйся! При́иде бо Христо́сь отъ тебѣ́ крестити́ся. Трепещеши, я́ко служи́тель, Влады́ка бо главу́ преклоняе́тъ тебѣ́, прикосни́ся Божество́нному верху́ содержа́щаго руко́ю вся́ческая и благоволе́ниемъ спаса́ющаго Бо́га родъ челове́ческой.

Сла́ва:

Яко свѣ́тила, въ ми́рѣ сия́ете и по сме́рти, сла́внии апо́столи, по́двигомъ до́брымъ подвиза́вшеся, иму́ще дерзнове́ние, Христа́ моли́те поми́ловатися душа́мъ нашимъ.

И ны́нѣ, гла́сь то́йже:

Торжество́ свѣ́тлое предсоверша́юще вси́ Просвѣ́щенія Христо́ва, добродѣ́тельми облистáемся: приходи́тъ бо Иже надъ всѣ́ми отъ Галиле́и ко Иоáнну креще́ние источи́ти спасе́ния огне́мъ Ду́ха во Иорданскихъ струя́хъ, я́ко Бо́гъ, роду челове́ческому.

По поліеле́и сѣда́лень, гла́сь 4:

Свѣ́тила въ концы́хъ, ученики́ Твоя́, Христе́, явилъ еси́, сия́ющія душа́мъ, су́щимъ во тмѣ́, разу́мъ Тво́й, Влады́ко, и, ле́сть идо́льскую тѣ́хъ ради омрачи́въ, уче́ными благоче́стія просвѣ́тилъ еси́ ми́ръ. Тѣ́хъ мо́льбами спаси́ ду́ши наша. [Два́жды.]

Сла́ва, и ны́нѣ, гла́сь 6:

Да возра́дуется пусты́ня Иорда́нова и да процвѣ́тетъ, я́ко кринь, гла́сь бо вопію́щаго услы́шанъ бы́сть въ ней: угото́вайте пу́ть Госпо́день. Го́ры бо поста́вивый

ста́виломъ и удо́ля мѣриломъ, вся́ исполня́й, я́ко Бо́гъ, крещает́ся отъ раба́. Обнищевати́ начатъ, бога́тныя да́ры да́руяй. Услы́ша Ева: въ печа́лѣхъ роди́ши ча́да. Ны́нѣ же услы́ша Дѣ́ва: ра́дуйся, Обра́дованная, Госпо́дь съ Тобо́ю, имѣ́й вѣлю́ милость.

Степе́нна, 1-й антифо́нъ 4-го гласа. Прокі́мень, гласъ 4: Во всю́ зе́млю изы́де вѣща́ніе ихъ* и въ концы́ вселе́нныя глаго́лы ихъ. **Сти́хъ:** Небеса́ повѣ́дають сла́ву Бо́жію, творе́ніе же руку́ Его́ возвѣща́етъ тве́рдь. **Ева́нгеліе отъ Луки́, зача́ло 50.**

Псаломъ 50-й и стихи́ра, гласъ 3:

Во всю́ зе́млю проповѣ́дниковъ вѣща́ніе изы́де божѣ́ственное, уча́щее правосла́вно о Еди́номъ Суще́ствѣ́, Еди́но Есте́ство́ почита́ти Святы́я Тро́ицы, и еди́но воисти́нну господа́ство, и еди́но Ца́рство во вся́ вѣ́ки.

Кано́ны три: предпра́зднства со ирмосомъ на 4, апо́столовъ пе́рвый на 6 и вторы́й на 10.

Кано́нъ предпра́зднства, егоче́ краегране́сіе по алфави́ту, гласъ 6.

Пѣ́снь 1.

Ирмо́сь: *Яко по су́ху пѣ́шешествова́въ Изра́иль по бе́зднѣ́ стопа́ми, гоните́ля фарао́на ви́дя потопля́ема, Бо́гу побѣ́дную пѣ́снь поимъ́, вопія́ше.*

Сла́ва Тебѣ́, Бо́же на́шъ, сла́ва Тебѣ́.

Да ра́дуется тва́рь, оте́чествія́ язы́ковъ да пою́тъ: Иису́съ, Ца́рь всея́ земли́, предгряде́тъ струя́ми Иорда́нскими́ наше́ сотвори́ти очище́ніе.

Въ царскую багряницу изъ дѣвственныхъ кровей,
Господи, одѣвѣся плотию, къ рѣчнымъ теченіемъ нагъ
приходиши, мою одѣвая наготу.

Сынъ Отца Пребезначальнаго Ты сый, къ сыну,
Благоутробне, Захаріину смиренно приходиши,
крещенія прося, яко да благодатию сыны Божія
сотвориши ны.

**Первый канонъ апостоловъ, егоже краегранесіе:
Христовы ученики вторыя да похвалю. Іосифъ,
гласъ 4.**

Пѣснь 1.

Ирмосъ: *Отверзу уста моя, и наполнятся Духа, и
слово отрыгну Царицу Матери, и явлюся, свѣтло
торжествую, и воспою, радуясь, Тоя чудеса.*

Святіи апостоли, молитѣ Бога о насъ.

Христовы ученицы бывше, насъ ради вещью
тѣлесною Явльшагося, всехвальнии, просвѣтите мѣръ
весь зарюю благочестія, тму разоривше безбожія.

Тлѣнныхъ оставльше оскверненное и нестойнное,
Христу послѣдоваша Криспъ, и Прохоръ, и
Андроникъ, Фаддей и Никаноръ, свѣтильницы бывше
боговиднѣйшии.

Крѣпость губителя побѣдите, славни, крѣпостию
Духа, неистовствомъ же безбожія конечнѣ
ослабленныя крѣпости исполните и божественнаго
разумѣнія.

Плѳтію явльшагося Гѳспода Амплій проповѣда, Стахій и Филиппъ, яко апѳстоли, яко божѣственніи іерарси, яко войстинну служителіе сущихъ паче ума.

Богорѳдичень: Божѣственную Палату Царѣву почтїмъ, въ Нюже вселїся, якоже восхотѣ, Неискусомужную и єдину Богорѳдицу, Еяже ради обожихомся, воспѣснословимъ.

Вторый канѳнъ апѳстоломъ.

Святый апѳстоле Агаве, моли Бѳга о насъ.

Явился еси иногда, прознаменуя Павлу навѣты, и узы, и озлобленїя, апѳстоле и пророче Агаве, егда руки твоя онаго поясомъ связалъ еси.

Святый апѳстоле Акило, моли Бѳга о насъ.

Тя, ученика Павлу, увѣдѣвше, Акило, мїрови же свѣтильника нелѣстна и священнаго мученика, потребителя идоловъ и разума Бѳжїя вводителя, благочѣстною мыслію, богомудре, ублажаемъ.

Святый апѳстоле Амплїе, моли Бѳга о насъ.

Крѣпостїю Божѣственного укрѣпляемъ Духа, живущїя во тмѣ сыны свѣта показалъ еси, Амплїе апѳстоле, совершая чудесъ дѣла преславная и упражняя демоновъ полки.

Святый апѳстоле Ананїе, моли Бѳга о насъ.

Дамаскъ, апѳстоле, нынѣ о тебѣ хвалится, емуже упространилъ еси крѣпость мученїемъ, Ананїе, учитель бывъ Христа гонящему, яко ученикъ нарочить Христа гонимаго, къ Немү же о насъ молися.

Святы́й апо́столе Андрони́че, моли́ Бо́га о на́съ.

Тя́, я́ко сродника́, цѣлуе́тъ Па́велъ, предъ вѣрными́ божественны́я твоя́ похвалы́ проповѣдая, Андрони́че богоглаго́ливе, свѣтоводи́телю восхваля́ющимъ тя́.

Святы́й апо́столе Апелли́е, моли́ Бо́га о на́съ.

Якоже многоцѣне́нь ка́мень, имяше́ ты Ираклі́йская́ честна́я Це́рковь, укрѣпля́юща, Апелли́е блаже́нне, сію́ сло́вомъ Истины́. Тѣмъ досто́йно почита́емъ ты́.

Святы́й апо́столе Аполло́се, моли́ Бо́га о на́съ.

Еллинсти́и мудрецы́, твоими́ побѣжде́ны му́дрыми догма́ты, исповѣ́дати покори́шася, премудре́ Аполло́се, Христа́ Содѣ́теля, Отца́ Безнача́льнаго Му́дрость и Си́лу.

Святы́й апо́столе Ариста́рше, моли́ Бо́га о на́съ.

Премудры́й и чу́дный Ариста́рхъ, я́ко учени́къ Сло́ва и священны́й Па́влу спутни́къ, священными́ пѣсньми да восхва́лится.

Святы́й апо́столе Аристову́ле, моли́ Бо́га о на́съ.

Поте́кль еси́, якоже звѣзда́ отъ восто́ка, устремив́ся, и Вретані́йскія́ грады́ достигль еси́, Христо́во проповѣ́дуя Ева́нгеліе́ и просвѣща́я благода́тію, блаже́нне Аристову́ле, вѣрно прие́млющія сло́во твое́.

Сла́ва, и ны́нѣ, богоро́дичень: Яже апо́столовъ ра́дость, Богороди́тельнице́ Всенепоро́чная Влады́чице, я́ко Ма́ти бѣвши въ тѣхъ боголѣ́пно глаго́лавшему, съ ни́миже моли́ся огня́ ге́енскаго изба́вити на́съ.

ПѢСНЬ 3.

Ирмосъ: Нѣсть святъ, якоже Ты, Господи Боже мой, вознесый рогъ вѣрныхъ Твоихъ, Блаже, и утвердивый насъ на камени исповѣданія Твоего.

Слава Тебѣ, Боже нашъ, слава Тебѣ.

Владычествуяй всѣми яко Богъ, раба ношиши образъ и къ рабу, Щедре, приходиши плотски, крещеніемъ богодѣльнымъ отъ работы вражія изымая ны.

Пришелъ еси на струи, чего ради? Кое очищеніе хотя? Кую скверну отмыти, Преблагій, ищай? Пою Твое, еже паче ума, за милосердіе, Слове, снизхожденіе.

Ища овча, Христѣ, еже дивій волкъ расторгне лѣстію, на Иорданскихъ струяхъ стоиши, взывая Предтечи: гряди, крести Мя ты.

Канонъ апостоловъ.

Ирмосъ: Твоя пѣснословцы, Богородице, живій и незавѣстный Источниче, ликъ Себѣ совокупльщія, духовно утверди, въ божественнѣй Твоей славы, вѣнцевъ славы сподоби.

Святіи апостоли, молитѣ Бога о насъ.

Якоже рѣки, васъ Слово посла во всю зѣмлю, наполняющія сію, всемудри, напоеніи Божественнаго Духа и пламень отъемлющія безбожія благодатію.

Воспоймъ Тимона божественнаго, Силу же и Силуана и вѣрою восхвалимъ Епенета славнаго, и Урвана, и Агава, истинныя христопровѣдники.

Блажѣни ужѣ бѣвшѣ, яко истинно блаженнаго Бѣга Учителя стяжавше, иже пѣрвѣе окаянныя, всемудрїи, причастники покажете Божественнаго блаженства.

Богородичень: Чиста прѣжде рождества, и въ рождествѣ, и по рождествѣ войстинну Дѣва, Мати, была еси: Бѣга бо породила еси, Егѣже апѣстоловъ сословіе пресвѣтло проповѣда.

Инь канѣнь.

Святѣй апѣстоле Артѣмо, моли Бѣга о насѣ.

Небо явился еси, всѣмъ вѣщая славу спасительную тебе прославльшаго и ученикомъ сочетавшаго седмодесятнымъ, Артѣмо всебогате.

Святѣй апѣстоле Архиппе, моли Бѣга о насѣ.

Павловъ ученикъ бѣвъ, богоносе, просвѣтилъ еси люди воспѣвати Троицу, храмы же разорилъ еси пагубныя благодатю, пострадавъ же терпѣливо, вѣнцы, радуяся, прїялъ еси, о насѣ моляся, блаженне Архиппе.

Святѣй апѣстоле Асинкрите, моли Бѣга о насѣ.

Обрѣте тя, Асинкрите, рѣку, водѣ исполнену Ирканиа Духа и, честными напоенїи твоими напоившися, принесѣ Владыцѣ краснѣйшая прозябенїя.

Святѣй апѣстоле Ахайке, моли Бѣга о насѣ.

Священныя составимъ всї лики, священно блажаще Ахайка, великаго Христова апѣстола, съ лики безплѣтными всегда веселящася.

Святы́й апо́столе Варна́во, моли́ Бо́га о на́съ.

Апо́столе Спа́совъ, Варна́во прехва́льне, пріятелище
вѣры, сы́не утѣше́нія, тишино́ обуреваемыхъ,
непреста́нно въ па́мяти тво́ей дерзнове́ніе имѣ́я, моли́
въ ми́ръ сохра́нися душа́мъ на́шимъ.

Святы́й апо́столе Га́іе, моли́ Бо́га о на́съ.

Тво́я похва́лы Лука́ богогласный войсти́нну написа́,
священнаго бо Па́вла учени́къ и божественъ
странновóдецъ бывъ, божественнымъ явѣ наказу́я,
всечестне Га́іе.

Святы́й апо́столе Евóде, моли́ Бо́га о на́съ.

Да сла́вить тя́, ученика́ Бо́жія, Евóде, и іерарха
вѣрна, и свидѣ́теля Божественныхъ страда́ній,
возглаша́ющи, честна́я Цѣрковь Христо́ва: сла́ва си́лѣ
Тво́ей, Го́споди.

Святы́й апо́столе Епафра́се, моли́ Бо́га о на́съ.

Яко верховнаго апо́столовъ бывъ учени́къ, Па́вла
му́драго благоглаго́ливаго, съ тѣмъ радуеши́ся,
вѣчну́ющее наслѣдуеши наслажде́ніе, всеблаже́нне
Епафра́се, Колосса́евъ удобре́ніе.

Святы́й апо́столе Епафродите́, моли́ Бо́га о на́съ.

Съ Па́вломъ, свѣтильникомъ вселенны́я, пу́ть
ше́ствуя мно́жицею, пу́ти веду́щія, Епафродите́,
показа́лъ еси́ лю́демъ ко благочестію.

Сла́ва, и ны́нѣ, богородиче́нь: Апо́столовъ похва́ла,
страда́льцевъ удобре́ніе Ты́ еси́, Пречистая Дѣ́во, и
мі́ра спасе́ніе.

Кондакъ предпразднства, гласъ 4.

Подобень: Явился еси днесь.

Во струяхъ днесь Иорданскихъ бывъ, Господь Иоанну вопіеть: не убойся крестити Мя, спасти бо придохъ Адама первозданнаго.

Икосъ:

Не истязую тя, Крестителю, предълы преходити, не глаголю тебъ: рцы Ми, яже глаголеши беззаконнымъ и учиши грѣшники. Точію крестити Мя молча и чая, яже отъ крещенія: приимеши бо сего ради достоинство, еже не бысть ангеломъ, ибо всѣхъ пророковъ больша ты сотворю. Отъ оныхъ убо ни единъ явѣ Мя видѣ, но во образѣхъ, и снѣхъ, и гаданіихъ, ты же предъ тобою стояща видѣлъ еси, спасти бо придохъ Адама первозданнаго.

Слава, сѣдалень апостоловъ, гласъ 3.

Подобень: Божественныя вѣры.

Столпи непоколебими Цѣркве, основанія благочестія бывше, ученицы Бога нашего, соблюдайте сію невредну, отгоняюще лстываго соблазны и моляще Христа Бога всегда даровати намъ велию милость.

И нынѣ, гласъ 1. Подобень: Камени запечатану.

Иисусу рождшуся отъ Дѣвы Маріи, и во Иорданѣ крещшуся отъ Иоанна, Духъ сниде на Него, зримый въ видѣ голубинѣ. Сего ради пророкъ со ангелы глаголаше, зовый: слава пришествію Твоему, Христе, слава Царствію Твоему, слава смотренію Твоему, Едине Человѣколюбче.

ПѢСНЬ 4.

Ирмосъ: Христосъ моя сила, Богъ и Господь, честная Церковь боголюбно поетъ, взываючи, отъ смысла чиста, о Господь празднуючи.

Слава Тебѣ, Боже нашъ, слава Тебѣ.

Егда видѣ Тя, струя, Господи, Иорданская возвратися; многими же страстьми низложенное естество наше къ небесемъ обратися, поклонився Тебѣ.

Ужасается солнце, зря Тебѣ, Солнца, плотики обнажшася и таинственно все озаряюща, обнажшееся мрачнымъ преступлениемъ естество, Владыко.

Се Очищение, се Избавление и Обновление всѣхъ, Просвѣщение прииде во Своя, да присвоимся убо Ему жития чистотою.

Инъ.

Ирмосъ: Незслѣдный Божий советъ, еже отъ Дѣвы воплощения Тебѣ, Вышняго, пророкъ Аввакумъ усмотряя, зовяше: слава силъ Твоей, Господи.

Святїи апостоли, молитѣ Бога о насъ.

Море возмутѣша языческое, въ сїе вшедше, всемудри, якоже кони, Спасовы ученицы и вѣрныя спасоша водою святою и Духомъ.

Облисташа, яко солнце на земли, Пудъ, Апеллий и Филологъ, и Руфъ же и Патровъ и вѣрныя просвѣтиша, отъ тмы невѣдѣнія избавльше.

Напрягъ, посла стрѣлы вы яко изощренны Благоутробный, стрѣлы, сокрушающа вражия и люте уязвленныя, славни, благодатию Божіею исцѣляюща.

Хвалу́ принесёмъ Избавителю, пѣснословяще Родіона богоглаголиваго, и Ермія славнаго, и мудраго Асинкрита, Ли́на же божественнаго и Га́ія.

Богородичень: Тя́ блаженнѣйшій дрѣвле ли́къ пророчествующихъ Ду́хомъ богоглаголаніи священными боголѣпно имену́еть, Всечистая, двѣрь же и гору́ пріосѣненную.

Инъ канонъ.

Святый апостоле Епенете, моли́ Бога о насъ.

Похвалимъ Епенета славнаго, Карѳагеномъ похвалу́ божественну бывшу, и Слова ученика, и исцѣленій источника, и велика проповѣдника сущимъ паче ума, и вѣры утверждѣніе.

Святый апостоле Ерасте, моли́ Бога о насъ.

Тя́, священна иконома, Ерасте, Цѣркве Христовы, сущія во Іерусалимѣ, пи́ша, проповѣдаше Пáвель апостоль, съ нимиже ты́ почитаемъ.

Святый апостоле Ерме, моли́ Бога о насъ.

Яко звѣзда, возсіялъ еси́ вселеннѣй, свѣтомъ просіявъ со́лнца, блаженне Ерме, всесвѣтлаго Пáвля, міра просвѣщаго концы́, сего́ ради почитаемъ ты́.

Святый апостоле Ерміе, моли́ Бога о насъ.

Ермі́й преславный Далматіи бы́сть всея́ наставникъ и просвѣщеніе: на сію́ бо, яко со́лнце многосвѣтло, найде, творя́ дивная и просвѣща́я сердца, невидящая пѣрвѣе.

Святы́й апо́столе Зи́но, моли́ Бо́га о на́съ.

Зако́на но́ваго яви́лся еси́, Зи́но, возвѣститель, вѣтхаго беззаконія отводя́ чуждемудренныя и къ возновле́нiю жи́зни прево́дя зову́щiя: сла́ва си́лъ Тво́ей, Го́споди.

Святы́й апо́столе Ироді́оне, моли́ Бо́га о на́съ.

Гра́дь Па́трскiй граждани́номъ тобо́ю вели́кимъ обогати́ся, блаже́нне Ироді́оне, вои́стинну, къ Си́ону вы́шнему приводя́ща сiй въ правду, тѣмже почита́емъ тя божѣственными пѣснопѣ́ными.

Святы́й апо́столе Іа́кове, моли́ Бо́га о на́съ.

Началопа́стыря Христа́ бра́тъ бы́лъ еси́ и преѣмникъ и во апо́столѣхъ знаменитъ, е́же за Того́ умрѣти возлюбилъ еси́ и муче́нiя не устыдѣ́лся еси́, Іа́кове сла́вне, Того́ моли́ непреста́нно спасти́ ду́ши наша.

Святы́й апо́столе Ио́анне, моли́ Бо́га о на́съ.

Всеблаже́нне Ио́анне-Ма́рко, самовидѣ́ць бы́въ Христа́ Спа́са и дѣянiя Того́ явѣ проповѣ́далъ еси́ люде́мъ, во тмѣ́ сѣдя́щимъ, Его́же съ ю́жикомъ твои́мъ, сла́внымъ апо́столомъ Варна́вою, моли́ спасти́ся ду́шамъ на́шимъ.

Святы́й апо́столе Іасоне́, моли́ Бо́га о на́съ.

Іасонъ, богодухновѣ́нный апо́столь, лѣствица бы́сть, до небесъ́ дося́жущая, вѣрныя возво́дящая уче́нiемъ къ небеснѣ́й жи́зни, живѣ́тъ же по кончи́нѣ и предстои́тъ, раду́ясь, Трои́цѣ сла́внѣй, то́го моли́твами, Го́споди, всѣ́мъ пода́ждь ве́лю ми́лость.

Сла́ва, и ны́нѣ, богоро́диченъ: Дѣ́ва Пречи́стая, Дѣ́ва Непоро́чная, со апо́столы́ о на́съ моли́тву

сотвори́, яко да изба́вимся отъ лю́тыхъ искуше́ній и
бѣ́дъ.

ПѢ́СНЬ 5.

Ирмо́сь: *Бо́жиимъ свѣ́томъ Твои́мъ, Бла́же,
у́тренюющихъ Ти́ ду́ши любове́ю озари́, молю́ся, Тя
вѣ́дѣти, Сло́вь Бо́жій, и́стиннаго Бо́га, отъ мра́ка
грѣ́ховнаго взыва́юща.*

Сла́ва Тебѣ́, Бо́же нашѣ́, сла́ва Тебѣ́.

Плодопринесѣ́мъ Христу́ житіе́ чи́стое: гряде́тъ бо
Очища́я вода́ми грѣ́ховъ скве́рну благода́тію, Еди́нъ
Благоде́тель и Безгрѣ́шный.

Люде́е, во тмѣ́ скорбе́й дре́вле съдя́щи, Свѣ́тъ яви́ся
вамъ незаходя́щій, ви́дите, и Божество́нными заря́ми
просвѣ́титесь, и Явля́шагося благода́ть воспойте́.

Вѣ́лие та́инство соверша́я, къ вели́кому Предте́чи
Твоему́, о Великодарови́те Го́споди, гряде́ши,
умали́вшееся челове́чество неизглаго́ланно велича́я
креще́ніемъ.

Инь.

Ирмо́сь: *Ужасо́шася вся́ческая о Божество́ннѣй
сла́вь Твое́й: Ты́ бо, неискусобра́чная Дѣ́во, имѣ́ла еси́
во утробѣ́ надъ всѣ́ми Бо́га, и роди́ла еси́ Безлы́тнаго
Сы́на, всѣ́мъ, воспѣ́вающимъ Тя́, ми́ръ подава́юща.*

Свя́тіи апо́столи, моли́те Бо́га о на́съ.

Вяза́ти же, всехва́льнии, и рѣ́шити яко апо́столи
прі́ймше вы́ вла́сть, связа́нныя зловѣ́рія у́зами
разрѣ́шите, тѣ́мже ва́шу па́мять пра́зднуемъ, вѣ́рно
лику́юще.

Боже́ственными Ариста́рхъ да почитѣ́тся пѣснопѣ́нными, Те́ртій, Іассонъ и Сосѳе́нъ, и Ма́ркъ, Лука́, Сосипа́тръ, Куа́ртъ и боже́ственный Апеллі́й, Кли́мъ и Епафроді́тъ и всему́дрый Ера́сть.

Ва́съ, я́ко двана́десять, посла́ Госпо́дь, все́ искореня́ющія безбо́жіе, всѣ́мъ чело́вѣкомъ насажда́ющія знаніе Боже́ственное свѣ́тло, сла́внии апо́столи, моли́твенницы о душа́хъ на́шихъ.

Богоро́диченъ: Очи просвѣ́ти, Дѣ́во, се́рдца моего́, осія́й ми́ зарю́ покая́нія, тмы́ мя изба́ви вѣ́чнуюю, двѣ́ре Свѣ́та, христіа́нъ всѣ́хъ Прибѣ́жище, вѣ́рно воспѣ́вающихъ Тя.

Инъ кано́нь.

Святы́й апо́столе Іудо, моли́ Бо́га о на́съ.

Таинниче небесныхъ, Іудо всему́дре, учениче́ Спа́совъ и общниче́ истинныя жи́зни, язы́къ мой подви́гни и сло́во упра́ви на пѣ́ніе твоѣ́, всеблаже́нне.

Святы́й апо́столе Іусте, моли́ Бо́га о на́съ.

Ви́дѣвъ со сла́вою Бо́га восходя́ща съ пло́тію въ вы́шняя, седми́десятимъ, Іусте, ученико́мъ соприче́лся еси́, изше́лъ еси́ вку́пъ съ ними, проповѣ́дникъ боже́ственъ явля́йся.

Святы́й апо́столе Ка́рпе, моли́ Бо́га о на́съ.

Освяти́лъ еси́, Ка́рпе, ше́ствуя, зе́млю, и свято́е проповѣ́далъ еси́ Ева́нгеліе вѣ́рою, и ду́ши живода́тельному Сло́ву приве́лъ еси́. Тѣ́мже тебѣ́ да́руетъ насле́діе небесное.

Святѣй апостолѣ Клеопѣ, моли Бога о насѣ.

Путешествовавъ ты по востаніи, Клеопо
всесвященне, съ Лукою прочее во Еммаусѣ,
вопрошеніе творящу ти, предста Господь, образомъ
прикровенъ, абіе же приѣмъ хлѣба поданіе, позналъ
еси Спаса, Егоже моли даровати намъ велию милость.

Святѣй апостолѣ Клименте, моли Бога о насѣ.

Другій Моисей, Клименте мудре, былъ еси, законы
Божественныя всѣмъ излагая и священная пища
ученія, и церковное все вчиняеши исполненіе, отсюду
законоположника тя и учителя вси имуще, вѣрою
чтимъ.

Святѣй апостолѣ Кодрате, моли Бога о насѣ.

Украшенъ разумомъ, красному Владыцѣ
предстоиши, свѣтлѣйшъ присно, яко іерархъ
богоприятенъ, яко апостоль божественъ, со всѣми
апостолами истинно миръ міру, Кодрате, испрошая.

Святѣй апостолѣ Крискенте, моли Бога о насѣ.

Вжилівъ твой Христось помыслъ, Крискенте
премудре, помазаніемъ радованія, Халкидона
первопастыря, яко сего ученика, благочестно показа,
заблужденнымъ стезю показующаго.

Святѣй апостолѣ Криспе, моли Бога о насѣ.

Пѣть буди, Криспъ, пѣснями божественными,
сокровенныя пути Христовы показавый, и осудивый
плотію своею осужденный грѣхъ, и многи
неосужденны показавый.

Слава, и нынѣ, богородиченъ: Свѣтомъ Твоимъ
озари мя, во тмѣ лежаща, Свѣта жилище, и со

апосто́лы моли́ся, Пренепо́рочная, отъ вся́кія ну́жды
изба́вити мя Твои́ми моли́твами.

ПѢСНЬ 6.

Ирмо́сь: *Жите́йское мо́ре, воздвиза́емое зря́
напа́стей бу́рею, къ ти́хому приста́нищу Твоему́
прите́къ, вопію́ Ти: возведи́ отъ тли́ живо́тъ мой,
Многоми́лостиве.*

Сла́ва Тебѣ́, Бо́же нашѣ́, сла́ва Тебѣ́.

Во́дъ съи́й испо́лненъ та́йныхъ, я́ко рѣ́ка ми́ра,
Еди́не Го́споди, къ рѣ́цѣ́ прише́лъ еси́, отъ ма́лыя
ка́пли прося́ крестити́ся, Еди́не Безгрѣ́шне.

Диви́тся свы́ше а́нгельскій ли́къ, смотре́я обнаже́на
о́блаки покрыва́ющаго не́бо, и взыва́етъ: что́ сіе́ Твое́
мно́гое къ чело́вѣкомъ снизше́ствіе?

По́лный исто́щися, Неви́димый се́, вопло́щся, яви́ся.
Иорда́не рѣ́ко, возвесели́ся, струи́ твоя́ испо́лни, я́ко да
омы́еши всѣ́хъ Возрожде́ніе.

Инь.

Ирмо́сь: *Божество́нное сіе́ и всечестно́е
соверша́юще пра́зднество, богому́дри, Богома́тере,
прииди́те, рука́ми воспле́щимъ, отъ Нея́ ро́ждшагося
Бо́га сла́вимъ.*

Свя́тіи апо́столи, моли́те Бо́га о на́съ.

Въ ве́сь ми́ръ кро́пите́ во́ду жи́зни спаса́тельную,
о́блацы одушевле́ннии я́вльшися, апо́столи, и вѣ́рныхъ
сердца́ ороси́сте.

Глаголь Божественныхъ сила ваша риторовъ побѣди многую лютость и немудрѣя умудри, обюродѣвшія разумомъ прелести, всемудри.

Божественный Пудъ и Трофимъ, Филимонъ славный и Аристархъ, Онисифоръ же и Тихикъ всеизряднѣйшій, яко ученицы Слова да возвеличатся.

Богородичень: Пою Тя, еди́на Всепѣ́тая, сла́влю Тя, при́сно Богосла́вная, и блажу́ Тя, Ю́же роди́ блажа́тъ родо́въ, Дѣ́во Богоблаже́нная.

Инь канонъ апостоловъ.

Святы́й апо́столе Ли́не, моли́ Бо́га о на́съ.

Отъ Петра́ божественнаго, апо́столовъ верхо́внаго, научився и отъ него́ навѣкъ божественное знаніе, апо́столе Ли́не, идо́льскую ле́сть обличилъ еси́.

Святы́й апо́столе и евангели́сте Луко́, моли́ Бо́га о на́съ.

Христо́ва ученика́, Евангелі́я списателя́ мудрѣйша, сосуда́ избранна́ красна, о́бразъ одушевле́нь, вѣрніи, е́гоже во всѣхъ Це́рквахъ похва́ла, Луку́ апо́стола въ пѣ́сняхъ почти́мъ: той бо проповѣ́да Бо́жія пресла́вная чудеса́, просвѣ́тивъ я́же на земли́, богосло́вія луча́ми, благода́сти ра́ди.

Святы́й апо́столе Луки́е, моли́ Бо́га о на́съ.

Па́влу спутникъ избра́вся, Луки́й всеблаже́нный, язы́ки улови́лъ еси́ мре́жею, богоглаго́льниче, догма́товъ твои́хъ.

Святы́й апо́столе и евангели́сте Ма́рко, моли́ Бо́га о на́съ.

Богогласныхъ словесъ написателя, вѣрнии, и Египта великаго наставника, достойно воспоемъ, вопіюще: Ма́рко мудре, ученіи и молитвами твоими къ невлаемому житію наставляти всѣхъ на́съ не преста́й, Христовъ ученичѣ и евангели́сте.

Святы́й апо́столе Матѳе́е, моли́ Бо́га о на́съ.

Учениковъ двенадесятыхъ явился еси, исполняя ликъ блаженный, изъ негоже предатель себѣ отвѣргъ, на Христа воздвигъ пята, тайновѣщателю Матѳе́е чудне.

Святы́й апо́столе Наркиссе, моли́ Бо́га о на́съ.

Милости водителя Бо́га проповѣдалъ еси и лѣсти свободилъ еси, божественный Наркиссе, души благочестивыхъ, великихъ бывъ Аѳинянь предсѣдатель и насадитель садовъ красныхъ, богоблаженне.

Святы́й апо́столе Никаноре, моли́ Бо́га о на́съ.

Честь божественну наслѣдовалъ еси, Никаноре блаженне, заколенъ бывъ, яко овча, со двѣматысящами, на Христа уповающими, въ онъже скончася день Стефанъ первострадалецъ.

Святы́й апо́столе Олимпѣ, моли́ Бо́га о на́съ.

Да похвалится божественный Олимпъ пѣснопѣньми и Родіонъ съ нимъ да возвеличится благочестно, теченіе совершивше мученія съ Петромъ богопроповѣдникомъ въ Римѣ, главами отсѣкаемыми.

Святѣй апостолѣ Онисимѣ, моли Бога о насъ.

Временныя, Онисимѣ, отрѣшився работы, былъ еси рабъ Христа Бога и сосудъ благопотребенъ. Тѣмже порабощенныя врагомъ свободны показалъ еси божественнымъ словомъ и небесныя граждане сотворивъ, съ нимиже священную твою память вѣрно славимъ.

Слава, и нынѣ, богородиченъ: Не осуди мене и не отвержи мя отъ лица Твоего, Многомилостиве, моли Тя чисто Рождшая со святыми апостолами.

Кондакъ апостоловъ, гласъ 2.

Подобенъ: Вышнихъ ища.

Христовыхъ учениковъ ликъ седмьдесятъ божественно, вѣрнии, въ пѣснехъ восхвалимъ, тѣми бо вси навыкохомъ Троицу почитати Нераздѣльную, и пребывають свѣтильницы божественныя вѣры.

Икосъ:

Седмьдесяти апостоловъ ликъ согласно, вѣрнии, священными пѣснопѣнными да восхвалимъ: Стефана, Прохора же, и Силу, и Никанора, Тимона, и Амплія, и Пармена, Апеллія же, Іакова, Филиппа, Аристарха, и Марка, и Матѳіа, и Иродіона, Крискента и Флегонта, Варнаву, Лина и Олимпа, Ананію, Луку и Асинкрита и прочія, пребывають бо свѣтильницы божественныя вѣры.

Пѣснь 7.

Ирмосъ: Росодательну убо пещь содѣла ангель преподобнымъ отрокомъ, халдеи же опаляющее

вельніе Божіе, мучителя увѣща вопіти: благословенъ еси, Боже отецъ нашихъ.

Слава Тебѣ, Боже нашъ, слава Тебѣ.

Како Тя струи подымутъ рѣчныя, сладости суца потока, Христе? Како Предтеча простретъ руку на Тя, рукою создавшаго его и отъ руки льстиваго избавльшаго ны?

Струя, Господи сый, благи, ко струямъ Иорданскимъ како приходиши, нетлѣныя водами ища напоити вкушеніемъ лукавымъ низложенныя во тлю завистию змія?

Да каплютъ горы радование, и холми да зыграютъ, веселящися, рѣки да воспещутъ рукою: явися, грядетъ Христосъ въ рѣцѣ челоуѣческая погрузити прегрѣшенія.

Инъ.

Ирмосъ: Не послужиша твари богомудрии, паче Создавшаго, но, огненное прещеніе мужески поправше, радовахуся, поюще: препѣтый отецъ Господь и Богъ, благословенъ еси.

Святїи апостоли, молитѣ Бога о насъ.

Уловивше словомъ, извлекосте изъ глубины безбожія языки многоразсѣянныя, знаменми и чудесы утвердивше мудрованія сихъ, мудрии апостоли, путевожди заблудшихъ.

Вшедше въ пристанище тишайшее, волнующимся въ мори лютыхъ спасителіе явитесь и правителіе мудрии, воспѣвающе: отецъ Господь и Богъ, благословенъ еси.

Всі́ Евѡда и Карпа ублажимъ, и Тихика, и Іуста и Артему, Зину же славнаго, яко Христовы ученики, воспѣвающе: отцевъ Господь и Богъ, благословенъ еси.

Молніезрачнии Духомъ бывше, Христовы апостоли, одержимыя ноцію невѣдѣнія избависте и къ Свѣту жизни настависте, вопіющія всегда: Боже, благословенъ еси.

Богородичень: Очистилице, Всенепорочная, была еси грѣшащихъ прісно, рождши преестественно міра вземлющаго грѣхъ Христа, Емуже зовемъ: отцевъ Господь и Богъ, благословенъ еси.

Инь канонъ апостоловъ.

Святый апостоле Онисифоре, моли Бога о насъ.

Павель, похвалами священными похваляя тя, Онисифоре славне, свояна тя, святе, написа, совершителя Божественныхъ дѣяній, служаща ему и вѣрою поюща: благословите, вся дѣла Господня, Господа.

Святый апостоле Пармене, моли Бога о насъ.

Великій Пармена предъ очима апостоловъ успе, совершивъ со тщаніемъ теплымъ божественное служеніе.

Святый апостоле Патрове, моли Бога о насъ.

Твой апостоль Патровъ, Блаже, плотское Твое къ чловѣкомъ пришествіе проповѣда, заблуждшія къ познанію наставляя и просвѣщая зарею вѣры.

Святы́й апо́столе Про́хоре, моли́ Бо́га о на́съ.

Служа́й по благода́ти Ева́нгелію, Никоми́діи бы́ль еси́, Про́хоре преблаже́нне, изряде́нь учи́тель и божество́нный первопресто́льникъ, ста́ду Христо́ву предста́тельствуюя.

Святы́й апо́столе Пу́де, моли́ Бо́га о на́съ.

Священнѣйшій Пу́дь и сла́вный, му́дрый Ариста́рхъ съ Трофи́момъ, я́ко звѣзды свѣтоза́рныя, возсія́ша на земли, преле́сти омраче́ніе отгоня́ще.

Святы́й апо́столе Ру́фе, моли́ Бо́га о на́съ.

Сло́вомъ твои́мъ божество́ннымъ обновивъ, Ру́фе му́дре, сердца́, насъявъ спаси́тельная ученія, и многопло́денъ кла́съ спаса́вшихся пожа́ль еси́ спасе́ніе.

Святы́й апо́столе Си́ло, моли́ Бо́га о на́съ.

Вели́ми благода́тьми украша́емъ, шествова́ль еси́ отъ восто́ка до запа́да, я́коже заря́, съ Па́вломъ, Си́ло премудре, свѣтоза́рная со́лнцу су́щи, язы́ковъ сердца́ просвѣ́тисте.

Святы́й апо́столе Силуа́не, моли́ Бо́га о на́съ.

Проза́рнаго и пресвѣ́тлаго сосу́да Утѣ́шителява, заблуждши́хъ наста́вленіе, Селу́ня пресла́вную похвалу́, апо́столовъ удобре́ніе, ны́нѣ Силуа́на му́драго восхва́лимъ.

Святы́й апо́столе Симео́не, моли́ Бо́га о на́съ.

Симо́нь-Симео́нь, сугу́бо зва́ніе имѣ́ль еси́, сугу́бо естество́мъ су́щее сло́во предъ безбо́жными богосло́вивъ и кресту́ прибли́жився. Тѣ́мже тя́ вси́, соше́дшеса, ублажа́емъ.

Святы́й апо́столе Сосипа́тре, моли́ Бо́га о на́съ.

Дне́сь веселі́тся вся́ Христо́ва Це́рковь, празднственную́ радость́ духо́вно составля́ши въ па́мяти тво́ей, ю́же непоколебле́ну спаси́ тво́ими къ Спа́су и Бо́гу благоприя́тными моли́твами, Сосипа́тре священнѣйше.

Сла́ва, и ны́нѣ, богоро́диченъ: Ми́лостивая Богоро́дице, апо́столовъ похва́ло, и страстоте́рпцевъ сла́ва, и вѣрныхъ утвержде́ніе, разори́, молю́ся, навѣты́ лука́ваго и изба́ви мя вѣчнаго осужде́нія.

Пѣснь 8.

Ирмо́съ: *Изъ пла́мене преподо́бнымъ росу́ источи́ль еси́ и пра́веднаго жер́тву водо́ю попали́ль еси́: вся́ бо твори́ши, Христе́, то́кмо е́же хотѣ́ти. Тя́ превозно́симъ во вся́ вѣки.*

Сла́ва Тебѣ́, Бо́же нашѣ́, сла́ва Тебѣ́.

Рѣ́чныя струи́ ми́лотію разсѣ́каше Елиссей, благода́ть креще́нія предсѣ́ннопиша́, ю́же Христо́съ содѣ́лаеть, на сія́ восходя́, Единъ Благоде́тель.

Назна́меноваше ино́гда проро́къ сла́вный креще́нія благода́ть, со́лю во́ды беспло́дныя пѣ́рвѣе содѣ́лавъ многопло́дны, явля́шагося Бо́га на́шего си́лою.

Де́брь вся́ка Божѣ́ственны́х даро́въ испо́лнится, и холмъ́ проти́вный смири́тся, и стро́потная въ пра́вая обратя́тся воплоще́ннаго Бо́га явле́ніемъ.

Инѣ́.

Ирмо́съ: *Отро́ки благоче́стивыя въ пе́щи Рождество́ Богоро́дичо́ спасло́ е́сть, тогда́ убо́ образу́емое, ны́нѣ же дѣ́йствуемое, вселе́ннюю всю́*

воздвизаетъ пѣти Тебѣ: Господа пойте, дѣла, и превозносите Его во вся вѣки.

Святїи апостоли, молитѣ Бога о насъ.

Обновльше разумы ояденѣвшїя раломъ Слова, всеславнїи, и въ нихъ спасительная сѣмена насѣясте, и благочестїя класъ сторичный пожасте — спасшихся множество, Господни апостоли всемудри.

Похвалами Іакова божественными, Клеопу, Варнаву же и Стефана, Наркисса всемудраго, Марка, Аристовула и Апеллія почтимъ, апостоли Христовы, вопіюще: Господа пойте, дѣла, и превозносите во вся вѣки.

Крестъ вмѣсто броня носяще, ко всѣмъ мужески ополчїстѣся полкомъ змїя, всемудри апостоли, и, тыя погубивше, яже плѣни чловѣки, уловиште вѣрою, и Жизнодавцу приведостѣ Владыцѣ.

Богородичень: О, чудо вышше чудесъ! Како раждаеши и пребываеши дѣвствующи, Всечїстая Богоневѣсто? Слово бо родила еси, Отцу Собезначальное, Емуже вси поемъ: Господа пойте, дѣла, и превозносите во вся вѣки.

Инъ канонъ апостоловъ.

Святый апостоле Сосѣене, моли Бога о насъ.

Ученикъ бывъ Павлу, премудрому священнопроповѣднику, подобникъ же Христу, славне Сосѣене, Того повинуюся Божественнымъ мановенїемъ.

Святый апостоле, первомучениче и архидіаконе Стефане, моли Бога о насъ.

Яко пѣрвый въ діаконѣхъ, пѣрвый и въ мученицѣхъ показался еси, всесвятый Стефане, путь бо былъ еси и многи Господу привелъ еси. Тѣмъ небо тебѣ отверзется, и Богъ тебѣ явится, Того моли спастися душамъ нашимъ.

Святый апостоле Тертіе, моли Бога о насъ.

Священнодѣйствуя священное Евангеліе, сіяніи Духа души просвѣтилъ еси, избавивъ отъ тмы идолонействовства, Тертіе апостоле.

Святый апостоле Тимоне, моли Бога о насъ.

Тимонъ священный, пастырь Востряномъ бывъ, пріять мученія блаженную кончину, огнемъ сожигаемъ.

Святый апостоле Тимоѳее, моли Бога о насъ.

Божественными дарованіи украшенъ, удобрилъ еси, славне, Ефѣсскую свѣтлую митрополію, апостоле Тимоѳее, проповѣдникъ бо показался еси съ Павломъ божественнымъ всѣмъ, провозвѣстилъ еси спасительное слово. Тѣмже торжествуемъ вѣрою память твою.

Святый апостоле Тите, моли Бога о насъ.

Павловъ явился собесѣдникъ, апостоле, съ нимъ намъ слово предвозвѣстилъ еси Божественныя благодати, тайноглагольниче Тите приснопамятне. Сего ради вопіемъ ти: не престай моляся о всѣхъ насъ.

Святый апостоле Тихике, моли Бога о насъ.

Павлу, мудрому наставнику, въ посланіяхъ служба божественныхъ, апостоль Тихикъ спасительная ученія всѣмъ раздаде спасаемымъ.

Святы́й апо́столе Трофи́ме, моли́ Бо́га о на́съ.

Су́ще съ Па́вломъ сла́внымъ, Трофи́ме премудре, съ нимъ вѣсь міръ, яко звѣзда съ со́лнцемъ, проидо́сте, свѣ́томъ проповѣ́данія священнаго невѣ́денія тму́ отгоня́ще.

Сла́ва, и ны́нѣ, богоро́диченъ: Со святы́ми а́нгелы, съ божѣ́ственными апо́сто́лы, съ сла́вными му́ченики Твоего́ моли́ Сы́на и Бо́га, Богоро́дительнице Пречи́стая, отъ бѣ́дъ изба́вити ду́ши на́ша.

Пѣ́снь 9.

Ирмо́сь: *Бо́га чело́вѣкомъ невозмо́жно ви́дѣти, на Не́гоже не смѣ́ютъ чи́ни а́нгельстѣи взира́ти; Тобо́ю бо, Всечи́стая, яви́ся чело́вѣкомъ Сло́во воплоще́нно, Е́гоже велича́юще, съ небе́сными во́и, Тя ублажа́емъ.*

Сла́ва Тебѣ́, Бо́же на́шь, сла́ва Тебѣ́.

Рука́ми созда́вый, Христе́, чело́вѣка, подѣ́ руку́ Предте́чеву подклоня́ешися, яко Чело́вѣкъ смиря́еся, яко да возвы́сиши мя́, дрѣ́вле смири́вшася и поги́бша. Сла́ва сла́вному и стра́шному стро́енію Твоему́.

Ду́шъ очище́ніе гото́вится, просвѣ́щеніе, рѣ́шеніе лю́тыхъ при́иде. Иорда́не рѣ́ко, возвесели́ся, возлику́й, вся́ тва́рь, земля́ же и мо́ре, воспле́щи, сла́влящи Христа́ Преблага́го.

Яко Сы́й всѣ́хъ до́брыхъ исполне́ніе, грядѣ́ши, вопія́, испо́лненному святы́ни рабу́ Твоему́, уди́вльшуся Твоему́ снизхо́жденію: прибли́жися, кресті́ Мя́, хо́щу бо испо́лнити естество́ земныхъ освяще́нія и очище́нія.

Инь.

Ирмосъ: *Всякъ земнородный да възграется, Духомъ просвѣщаемъ, да торжествуетъ же безплотныхъ умовъ естество, почитающее священное торжество Богоматере, и да вопіетъ: радуйся, Всеблаженная Богородице, Чистая Приснодѣво.*

Святїи апостоли, молїте Бога о насъ.

Исцѣли́ наша, Христѣ, сокрушенїя сердечная молитвами возлюбившихъ Тя и проповѣдавшихъ во всѣхъ языцѣхъ Бога купно и Господа, Содѣтеля всѣхъ, и идольское все омраченїе отгнавшихъ свѣтомъ проповѣданїя.

Якоже молнїя, мїръ освѣтиша Лука́ вкупѣ и Ермъ, Маркъ и Ананїя и съ Матѳіемъ священнѣй Олимпъ и вѣрныхъ исполненїе явѣ просвѣтиша, яже вѣрою днесь почтїмъ священными и честными пѣснопѣнными.

Станемъ благоговѣнно въ дому́ Бога нашего и ублажимъ священнопроповѣдники и учителя, и ангеломудрыя, и богатїтели, спасїтели же, и защитники, и предстатели всѣхъ сущїя, чтущихъ ихъ памиати.

Озарїшася свѣтомъ невещественнымъ Духа Аки́ла, Ахаїкъ, Лукїй сла́вный и Фуртуна́тъ съ шестїюдесять и шестїю Христовыми уго́дники и священными ученики́ и сердца́ всѣхъ озаряютъ свѣтоносною ихъ памиатию днесь.

Богородичень: Сїяніе блистанїя Рождества́ Твоего́ просїя, и уясни́ всю́ подсолнечную, и предстателя́ тмы́ погуби, Богородительнице́ Всечїстая, ангеловъ хвало́

и челоуѣковъ всѣхъ спасеніе, непрестанными гласы восхваляющихъ Тя.

Инь канонъ апостоловъ.

Святый апостоле Урване, моли Бога о насъ.

Божественный Урванъ, слово животочное и благодать врачеваний источивъ, привлече люди къ просвещенію божественнаго разума, яко подражатель Воплотившагося и миръ Спасшаго.

Святый апостоле Филимоне, моли Бога о насъ.

Градъ тя Газскій почитаетъ, свѣтъ познанія, блаженне, тобою узрѣвъ. Колоссае же, божественное твоё тѣло, якоже богатство, имуще, объёмлютъ врачеванія и источающу благодать всегда. Тѣмже, совершающіи память твою, сохраняемся отъ бѣдъ, Филимоне славне, молитвами твоими.

Святый апостоле Филиппе, моли Бога о насъ.

Въ Самаріи древле живущи, Филиппе, благодати зарю отъ тебе приёмлютъ, видяще многая содѣвающа тя чудеса силою Духа, Источника благодатнаго.

Святый апостоле Филологе, моли Бога о насъ.

Яко ученикъ Христовъ, яко апостоль свѣтель, яко Солнца правды свѣтовидная, апостоле святый, просвѣти и освяти совершающія святую память твою.

Святый апостоле Флегонте, моли Бога о насъ.

Мараѳонстіи жители, представителя тя величайша, и учителя тя изрядна, и свѣтильника, и наставника имуще, Флегонте славне, почитаютъ тя непрестанно.

Святы́й апо́столе Фуртуна́те, моли́ Бо́га о на́съ.

Вѣро́ю па́мьятъ твою́ соверша́юще, апо́столе, моли́твенника ко Влады́цѣ тѣ́ предлага́емъ, разрѣше́ние прося́ще согрѣше́ній, твои́мъ хода́тайствомъ, Фуртуна́те всече́стне.

Святы́й апо́столе Та́ддее, моли́ Бо́га о на́съ.

Влады́ки Божество́нное нося́, блаже́нне Та́ддее, подо́бие, Еде́сскому кня́зю Авга́рю божество́нный вра́чь бы́лъ еси́.

Святы́и апо́столи, моли́те Бо́га о на́съ.

Священнонача́льницы Діо́нисій Ареопаги́тъ и дивны́й Іерофе́й да причту́тся къ ли́ку Христо́выхъ апо́столовъ, съ ними́же да просла́вятся Ма́ноилъ, дре́вній учени́къ, Ни́рей, и Ни́мфанъ, и Наѳанаи́ль, и Дими́трій, е́гоже похва́ла во Ева́нгелии.

Сла́ва, и ны́нѣ, богоро́дичень: Со святы́ми а́нгелы, съ божество́нными апо́сто́лы и со сла́вными му́ченики Твоего́ моли́ Сы́на и Бо́га, Богоро́дительнице Пречи́стая, отъ бѣ́дъ изба́вити ду́ши на́ша.

Свѣти́лень апо́столовъ.

Подо́бенъ: Жены́, услы́шите.

Апо́столи всехва́льнии Христа́ всеще́драго, и учени́цы, и богови́дцы, не премолчи́те, моля́ще о на́съ, любо́вию ва́шу па́мьятъ соверша́ющихъ, да прегрѣше́ній оста́вленіе и Божество́нную обря́щемъ благода́ть въ де́нь Суда́.

Слава, **гласъ 4:**

Явися апостольскій честный сей праздникъ, просвѣщая насъ и грѣховную мглу прогоняя, зовущимъ: явися Свѣтъ, и прииде избавленіе.

И нынѣ, **предпразднства. Подобенъ: Посѣтилъ ны.**

Готовися, Завулоне, Нефѣалиме, украсися, подыми, Иордане, Зиждителя всѣхъ и Бога, плотию къ тебѣ грядуща, наша грѣхи измыти хотящаго.

На хвалитехъ стихиры, на 4, гласъ 6.

Подобенъ: Ангельскія силы.

Егоже гласъ вопіющаго предъявляше, прииде Христось на струи Иорданскія и Предтечи рече: гряди, омый Мя водами, крести Мя, нынѣ снишедшаго, Адама бо омыти придохъ отъ перваго паденія. Благословенъ, явлейся Боже нашъ, слава Тебѣ.

Высоты небесныя никакоже изслѣдихъ, звѣздъ число, ниже землю измѣрихъ, и како верху Твоему, — Владыцѣ Предтеча рече, — коснуса рукою? Како же крещу Носящаго горстию тварь? Тѣмже зову Ти: благословенъ, явлейся Боже нашъ, слава Тебѣ.

Сопрестолень Отцу и Духу Сый, ангельскими воинствы дориношуся, но въ малѣмъ вертепѣ, странствуя, родиhsя въ Виѣлеемѣ за благоутробіе. Тѣмже и нынѣ десницу твою Мнѣ взаимствуй, да отмыю во Мнѣ міра прегрѣшенія.

Потопилъ еси иногда грѣхъ при Нои, словомъ разверзый хляби небесныя, и како Тя Иорданъ видѣвъ, стерпитъ? уже бо струю отвратитъ. Позна Тя тварь

вся, и азъ зову Тебѣ: благословенъ, явлейся Боже нашъ, слава Тебѣ.

Слава, **гласъ и подобенъ тойже:**

Да исполнится Отчее благоволение: придохъ на землю, одѣввся въ нищету, небо Мнѣ престолъ, земля же подножие, тебѣ же выю преклоняю, на сіе бо придохъ, Мене крести, во Мнѣ человекъ очищающа прегрѣшенія.

И нынѣ, **гласъ и подобенъ тойже:**

Ты, Израиля столпомъ и облакомъ первѣе свѣтоводя и орошая въ пустыни, Ты, владычествуйя всѣми, естествомъ несказанный въ рабій зракъ како одѣвлся еси? не прикоснуса Тебѣ, Огню сѣно: Самъ мя крести, азъ бо требую отъ Тебѣ очищение пріяти.

Славословіе великое. Ектеній и отпусть.

НА ЛИТУРГИИ

Блаженна отъ канона предпразднства пѣснь 3-я, и 1-го канона апостоловъ пѣснь 6-я. Прокименъ, гласъ 4: Во всю землю изыде вѣщаніе ихъ* и въ концы вселенныя глаголы ихъ. **Стихъ:** Небеса повѣдаютъ славу Божию, твореніе же руку Его возвѣщаетъ твердь. **Апостоль къ Римляномъ, зачало 96. Аллилуія, гласъ 1:** Исповѣдаютъ небеса чудеса Твоя, Господи, ибо истину Твою въ церкви святыхъ. **Стихъ:** Богъ прославляемъ въ советѣ святыхъ. **Евангеліе отъ Луки, зачало 51. Причастенъ:** Во всю землю [изыде вѣщаніе ихъ, и въ концы вселенныя глаголы ихъ].

**Источникъ: Служба въ день Собора святыихъ
седмидесяти апостоловъ. — Кіевъ: Въ Тупографіи
Кіево-Печёрскія Успенскія Лавры, 1899. — 35 л.**

